



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726 422;
fax. +387 33 726 414
e – mail: info@voda.ba

Broj: UP-1/21-3-40-047-6/22

Datum: 10.03.2022. godine

„Agencija za vodno područje rijeke Save“ Sarajevo rješavajući po zahtjevu Investitora Rudnici mrkog uglja „Banovići“ d.d. Banovići za donošenje rješenja o vodnoj dozvoli za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada Rudnika „Podzemna eksploatacija uglja“, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98 i 49/99), donosi

RJEŠENJE **o vodnoj dozvoli**

1. Pravnom licu Rudnici mrkog uglja „Banovići“ d.d. Banovići daje se vodna dozvola za ispuštanje tehnoloških otpadnih voda i aktivnosti koja mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada Rudnika „Podzemna eksploatacija uglja“ općina Banovići.
2. Ova vodna dozvola se odnosi isključivo za aktivnost ispuštanja tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta na lokaciji kompleksa objekata definisanih tačkom 1. ovog Rješenja i ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarno-fekalnih otpadnih voda, a za čije izdavanje je nadležno Ministarstvo poljoprivrede, šumarstva i vodoprivrede Tuzlanskog kantona, u skladu sa članom 139. stav (2) tačke 1. i 2. Zakona o vodama.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja na lokalitetu i pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje voda (podzemni vodosabirnik i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Da se redovno vrši monitoring prečišćene otpadne vode iz podzemnog vodosabirnika shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije („Sl. novine Federacije BiH“, broj: 26/20, 96/20), te pojedinačne i zbirne godišnje izvještaje dostave Agenciji u skladu sa članom 23. iste Uredbe.
- Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).
- 3.4. Ukoliko Vlada Tuzlanskog kantona propiše dodatne (strožije) uvjete za ispuštanje otpadnih voda u površinske vode, od uvjeta definisanih u tabeli 1. Priloga 18. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.

- 3.5. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.6. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
- 3.7. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata, postrojenja i mehanizacije redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
- 3.8. U toku izvođenja radova kao i same eksploatacije iskopani materijal (mineralna sirovina/jalovina) ne smiju ni privremeno odlagati na česticu «vodno dobro», odnosno u vodotok i na njegove obale.
- 3.9. Da se u narednom periodu izvrši čišćenje, saniranje i uređenje devastiranih radno-manipulativnih, skladišnih, parking i dr. površina unutar kruga upravne zgrade te dovođenje istih u funkcionalno stanje, sve u skladu sa okolišnim ciljevima.
- 3.10. Da se u narednom periodu intenziviraju aktivnosti na čišćenju i kontinuiranom održavanju površina JUG-2 (preko puta upravne zgrade i ulaza u jamu) te intenziviraju aktivnosti na slaganju i odlaganju otpada (željezo, kablovi, drvena građa, ostaci transportnih traka i dr. otpad) i njegovom kontinuiranom odvozu, tj. na selektivnom prikupljanju svih otpadnih materijala i adekvatnom zbrinjavanju istih.
- 3.11. Da se čišćenje vodosabirnika u jami i odvoz istaloženog materijala vrši kontinuirano i isti odvozi na OJ Separaciju.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, pravno lice je dužno provoditi sve mjere i aktivnosti propisane istom.
6. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
7. Vlasnik odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav 1. Zakona o vodama („Službene novine Federacije BiH“, broj 70/06) se daje sa rokom važenja od pet godina od pravosnažnosti ovog rješenja.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice Rudnici mrkog uglja „Banovići“ d.d. Banovići obratio se ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada Rudnika „Podzemna eksploatacija uglja“, općina Banovići.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- A- Opšta dokumentacija:
 - Rješenje o izmjenama podataka, broj: 032-0-Reg-21-001671 od 27.10.2021. godine izdato od strane Općinskog suda u Tuzli – ovjerena kopija,
 - Uvjerjenje o poreznoj registraciji od 30.03.2010. godine izdato od strane Kantonalnog poreznog ureda Tuzla – ovjerena kopija,
 - Rješenje o vodnoj dozvoli, broj: UP-I/25-3-40-673-7/16 od 28.02.2017. godine izdato od strane Agencije za vodno područje rijeke Save“ Sarajevo – kopija,
 - Rješenje o vodnoj dozvoli, broj:04/1-13-25-31812/17 od 29.11.2017. godine izdato od strane Ministarstva poljoprivrede, šumarstva i vodoprivrede Tuzlanskog kantona – kopija,
 - Rješenje o okolinskoj dozvoli, broj:UP-I 05/2-23-11-81/17 od 14.11.2017. godine izdato od strane Federalnog ministarstva okoliša i turizma – kopija,
 - Rješenje, UpI broj: 06-18-182/11 od 12.09.2011. godine izdato od strane Federalnog ministarstva energije, rudarstva i industrije – kopija,
 - Obavijest o izbijanju vanredne situacije, broj:9133/21 od 21.05.2021. godine izdata od strane RMU „Banovići“ d.d. Banovići – kopija,
 - Obavijest o nastavku vršenja monitoringa, broj: 9784/21 od 02.06.2021. godine izdata od strane RMU „Banovići“ d.d. Banovići – kopija,
 - Obavijest o nastavku vršenja monitoringa, broj: 9783/21 od 02.06.2021. godine izdata od strane RMU „Banovići“ d.d. Banovići – kopija,
 - Certifikat, broj:06-46-7-DC-86-2/17 od 16.08.2017. godine za vodomjer INSA a.d. Zemun, BA Z-14-1142 izdat od strane Instituta za mjeriteljstvo Bosne i Hercegovine – kopija,
 - Rješenje o izdavanju certifikata o odobrenju tipa mjerila, broj:06-46-7-DC-86-3/17 od 16.08.2017. godine (sa priložima) izdat od strane Instituta za mjeriteljstvo Bosne i Hercegovine – kopija,
 - Ugovor potpisan sa „Inspekt RGH“ d.o.o. Sarajevo, broj:544/21 od 18.06.2021. godine – kopija,
 - Ugovor za uslugu rada vozila Woma na poslovima crpljenja separatora, septičkih jama i odštopavanje kanalizacije u RMU „Banovići“ d.d. Banovići sklopljen sa „Komins“ d.o.o. Tuzla, broj: 144/21 od 10.04.2021. godine sa računom broj: 288/19 – kopija,
 - Ugovori za zbrinjavanje starog transformatorskog ulja koje sadrži ili na sadrži PCB potpisani sa „Kemis BH“ d.o.o. Lukavac, broj: 389/20 od 17.04.2020. godine i broj: 904/20 od 03.09.2020. godine, broj:1769/19 od 06.12.2019. godine – kopije,
 - Ugovor o zbrinjavanju opasnog otpada ambalaže onečišćenja opasnim otpadom (prazne bačve od ulja i masti) sklopljen sa „Kemeko-BH“ d.o.o. Lukavac, broj: 343/21 od 15.04.2021 godine – kopija,
 - Ugovor o zbrinjavanju opasnog otpada ambalaže onečišćenja opasnim otpadom (prazne bačve od ulja i masti) sklopljen sa „Kemis BH“ d.o.o. Lukavac, broj: 904/20 od 03.09.2020. godine – kopija,
 - Ugovor o zbrinjavanju zauljene amabalaže (metalna burad) potpisan sa „Delta petrol“ d.o.o. Kakanj, broj: 609/21 od 02.07.2021. godine – kopija,
 - Ugovor sklopljen sa TQM d.o.o. Lukavac, broj:673/21 od 27.07.2021. godine – kopija,
 - Ugovor o prodaji sekundarnih sirovina sklopljen sa „Benjdin“ d.o.o. Banovići, broj:1120/20 od 15.10.2020. godine – kopija,
 - Ugovor sklopljen sa „Delta petrol“ d.o.o. Kakanj za dežurstvo, rad i zbrinjavanje otpada u slučaju pojave ekološkog incidenta, broj: 981/19 od 12.06.2019. godine – kopija,
 - Ugovor o prodaji i odvoženju starih akumulatora, potpisan sa „Kemis BH“ d.o.o. Lukavac, broj: 1769/19 od 06.12.2019. godine – kopija,
 - Račun br. 23/22 od 25.01.2022. godine izdat od strane „Komins“ d.o.o. Tuzla – kopija,
 - Račun, broj:56213/21 od 30.11.2021. godine izdat od strane JP „Vodovod i kanalizacija“ d.o.o. Banovići – kopija,
 - Ugovor broj:143/2011. od 09.02.2011. godine sklopljen sa JP „Komunalno“ d.o.o. Banovići – kopija,

- Anex Ugovora, broj: 313/2013 od 01.04.2013. godine sklopljen sa JP „Komunalno“ d.o.o. Banovići – kopija,
 - Izvještaj o monitoringu kvaliteta i kvantiteta otpadnih voda, P 1/2 urađen od strane TQM d.o.o. Lukavac, septembar 2021. godine,
 - Dokaz o uplaćenju federalnoj upravnoj pristojbi na zahtjev
- B- Tehnička dokumentacija:

- Tehnički projekat odvodnjavanja jame „Omazići-Jug“ rudnika mrkog uglja „Banovići“ sa konačnim izgledom glavnog vodosabirnika“ odobren od strane republičkog sekretarijata za privredu Sarajevo 28.03.1974. godine,
- Tehničko upustvo o načinu prijema, skladištenja, distribuciji-izdavanja ulja, identifikaciji i zbrinjavanju rabljenih ulja, UP.630-01/10 od 02.02.2022. godine,
- Tehničko upustvo za održavanje, korištenje i postupanje u slučaju kvara na glavnom vodosabirniku, Oznaka:UP. 630-01/09 od 01.02.2022. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 26/20) izvršen je uviđaj na lokalitetu i tom prilikom sačinjen Zapisnik o izvršenom uviđaju broj: UP-1/21-3-40-047-4/22 od 03.03.2022. godine.

Na osnovu dostavljene dokumentacije, izvršenog uviđaja na licu mjesta utvrđeno je sljedeće:

- RMU „Banovići“ d.d. Banovići-Rudnik „Podzemna eksploatacija uglja“ sastoji se od: upravne zgrade u sklopu koje su instalisani sadržaji za ulaz i izlaz u jamu, elektromašinske radionice, ambulante, restorana, kupatila sa garderobom, radno-manipulativnih površina. Remont, odnosno popravka i zamjena rezervnih dijelova rudničke opreme i uređaja se vrši u natkrivenom, zidanom objektu, čije površine su izgrađene od betonskih ploča sa gumenim platoima. Unutar prostora nalaze se obilježene bačve za odlaganje zauljenih krpa, pucvale i dr. zauljenog otpada.

- Preko puta (sa druge strane saobraćajnice), preko radno manipulativnog prostora JUG-2 prelazi čelični cjevovod Ø 150 mm putem koje se rudnička voda iz podzemnih prostorija izbacuje preko vodomjera u rijeku Ostružnu. Cijev je cca 2,00 m iznad korita potoka.

Radno manipulativni prostor JUG-2 je asfaltiran i na njemu je lagerovan otpadni materijal: željezo, guma, drvo, daske, kablovi i sl. Skladištenje rabljenog ulja, masti se vrši u natkrivenom prostoru koji je ograđen, obilježen, djelimično asfaltiran. Preko cijelog prostora JUG-2 izgrađen je slivnik sa rešetkom. Prikupljena atmosferska voda sa prostora JUG-2 se putem slivnika odvodi u rijeku Ostružnu.

- Na terenu, u jami se još uvijek radi po projektnoj dokumentaciji: Tehnički projekat odvodnjavanja jame „Omazići-Jug“ rudnika mrkog uglja „Banovići“ sa konačnim izgledom glavnog vodosabirnika“ odobren od strane republičkog sekretarijata za privredu Sarajevo 28.03.1975. godine. Za vršenje eksploatacije mineralne sirovine unutar jame za postupak odvodnjavanja radi se projektna dokumentacija i istu odobrava Federalno ministarstvo energije, industrije i rudarstva.

- Glavni vodosabirnik smješten je na koti 152 m, kapaciteta 1000 m³ i sastoji se od usisnog bunara, pumparnice i dva kraka. Vodosabirnik je namijenjen za prikupljanje vode iz cijele jame i u projektovanim dimenzijama obezbjeđuje normalan osmočasovni rad. Zbog nakupljenog mulja ovaj kapacitet nešto je smanjen te je potrebno vršiti njegovo čišćenje od nataloženog materijala. U pumparnici su instalisane dvije višestepene pumpe. Čišćenje taložnika se vrši na način da se voda putem pumpnih postrojenja pumpa na površinu i direktno ispušta u recipijent- rijeku Ostružnu.

- Čišćenje taložnika u jamskim prostorijama vrši se po potrebi. Istaložena komponenta se putem trakastog transportera odvozi u bunker, a zatim na separaciju mineralne sirovine.
- Parkiranje automobila vrši se van kruga, u neposrednoj blizini upravne zgrade.

- „Komins“ d.o.o. Tuzla po ugovoru vrši uslugu rada vozila Woma za aktivnosti na poslovima crpljenja separatora, septičkih jama i odštopavanje kanalizacije u RMU „Banovići“ d.d. Banovići.
- „Kemis BH“ d.o.o. Lukavac po ugovoru vrši zbrinjavanje starog transformatorskog ulja koje sadrži ili na sadrži PCB.
- „Kemeko-BH“ d.o.o. Lukavac po ugovoru vrši zbrinjavanje opasnog otpada ambalaže onečišćenja opasnim otpadom (prazne bačve od ulja i masti).
- „Delta petrol“ d.o.o. Kakanj po ugovoru vrši zbrinjavanje zauljene ambalaže (metalna burad).
- „Benjdin“ d.o.o. Banovići po ugovoru vrši otkup sekundarnih sirovina.
- Sa „Delta petrol“ d.o.o. Kakanj sklopljen je ugovor za dežurstvo, rad i zbrinjavanje otpada u slučaju pojave ekološkog incidenta.
- Sa „Kemis BH“ d.o.o. Lukavac sklopljen je ugovor o prodaji i odvoženju starih akumulatora.
- Sakupljanje, odvoz i deponovanje komunalnog otpada, po ugovoru vrši JP „Komunalno“ d.o.o. Banovići.
- Objekti su priključeni na gradsku vodovodnu mrežu. Zbrinjavanje sanitarno-fekalnih voda se vrši u septičkoj jami čije pražnjenje, po ugovoru vrši JKP „Komins“ d.o.o. Tuzla.
- Investitor je angažovao certificiranu laboratoriju „Inspekt RGH“ d.o.o. Sarajevo koja vrši monitoring otpadnih voda nakon taloženja (iz vodosabirnika). Rezultati analiza kvaliteta i kvantiteta otpadnih voda tj. izmjereni parametri zadovoljavaju granične vrijednosti emisije otpadnih voda koje se ispuštaju u prirodne recipijente, u skladu sa odredbama Uredbe.
- Od posljednjeg izdavanja Rješenja o vodnoj dozvoli od strane Agencije, pravno lice nije vršilo ni u podzemnom niti na nadzemnom dijelu dogradnju sistema-hidro faza, tj. stanje nije promijenjeno.
- Obzirom da je u prethodnom periodu od mjeseca marta do mjeseca decembra 2021. godine izbio požar u jami, kao posljedica nastale su devastacije površina JUG-2 i radno manipulativnih površina unutar kruga, ispred radionica i sl. Pravno lice će u narednom periodu pokrenuti aktivnosti na čišćenju i uređenju predmetnih površina i dovođenje istih u funkcionalno stanje.

Tačkom 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi kako je to regulisano članom 115. do člana 118. Zakona o vodama i članovima 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatuje se da je podnosilac zahtjeva Rudnici mrkog uglja „Banovići“ d.d. Banovići ispunio minimum uslova za izdavanje vodne dozvole za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada Rudnika „Podzemna eksploatacija uglja“, općina Banovići, te je riješeno kao u dispozitivu ovog Rješenja.

Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13). Podnosilac zahtjeva je uplatio i posebne troškove koji su nastali u toku vođenja upravnog postupka, u skladu sa članom 127. Zakona o vodama („Službene novine Federacije BiH“, br. 70/06) i

članova 4. do 7. Pravilnika Agencije o naknadi posebnih troškova u postupku izdavanja vodnog akta.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Prilog: Tehnička dokumentacija navedena pod tačku B obrazloženja rješenja

Po ovlaštenju
Rukovodilac sektora za izdavanje vodnih akata


Haris Ališehović, dipl. inž. građ.

Dostaviti:

- RMU „Banovići“ d.d. Banovići
- Ulica Armije BH br. 52. 75290 Banovići, (sa prilogom),
- AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava